



Broj: 2-149/07
Sarajevo, 22.10.2007. godine

I N F O R M A C I J A

o realizaciji ljetovanja, posjeta, učešća na susretu horova muzičke omladine i 3. forumu mladih svijeta i donacijama u 2007. godini

Ljetovanje, posjete, učešće na susretima horova muzičke omladine i 3. forumu mladih svijeta, u 2007. godini, predstavljali su ostvarenje kontinuiteta značajne programske aktivnosti u kojoj su direktno učestvovali djeca žrtava rata, njihovi roditelji/staratelji i članovi Udruženja, domaće i nevladine organizacije iz inostranstva, i ustanove koje u socijalnom smislu brinu o građanima Bosne i Hercegovine.

1. Realizacija ljetovanja

1.1. Ljetovanje na Boračkom jezeru u tri smjene, sa 271 učesnikom iz 9 mjesta Bosne i Hercegovine i Belgije, u trajanju 23 dana, od 04 do 27. jula. Troškovi ljetovanja u iznosu 22.920 KM podmireni iz donacija javnog sektora u novcu: Ekonomsko-socijalno vijeće FBiH; Fondacija Mozaik, Sarajevo; Asocijacija Emmaus, Francuska; Vlada Kantona Sarajevo; Općina Konjic i Murat Bajrić, u iznosu 15.390 KM; preduzeća i nevladinih organizacija u robama: Merkator BH, Vegafruit, Sinalko, Akova Impex - Ovako, Lijanovići, Vispak, Interex i Tvornica Argeta, Sprofondo i Merhamet BiH vrijednosti 7.530 KM i novčanom paticipacijom Asocijacije Ecolier du Monde za 26 učesnika.

Turistička zajednica Općine Konjic oslobodila je Udruženje obaveze plaćanja troškova boravišne takse za sve učesnike ljetovanja.

1.2. Ljetovanje u Sreseru, Republika Hrvatska u tri smjene sa 20 djece Udruženja porodica šehida i poginulih boraca Općine Ilidža, 8 djece - korisnika Udruženja iz Donjeg Vakufa i 8 djece JOB Domovi zdravlja Kantona Sarajevo u trajanju 21 dan, tokom jeseca jula. Troškovi ljetovanja u iznosu 3.600 KM podmireni su iz donacije javnog sektora Bosne i Hercegovine.

1.3. Ljetovanje na otoku Korčula, Republika Hrvatska, sa 18 djece - korisnika Udruženja u trajanju 10 dana, od 15. do 25. jula. Troškovi ljetovanja u iznosu 5.400 KM podmireni su iz donacije javnog sektora Bosne i Hercegovine.

2. Realizacija posjete

2.1. Posjeta Centru Gaudeamus, Bratislava, Slovačka Republika sa 44 supruge poginulih boraca sa djecom, uključujući članove Udruženja u trajanju 7 dana, od 01 do 08. jula. Troškovi posjete u iznosu 17.000 KM podmireni su iz donacija Comite catholique contre la faim et pour le developpment, Francuska i javnog sektora Bosne i Hercegovine uz participaciju učesnika posjete.

3. Učešće u turneji horova

3.1. Po pozivu višegodišnjeg partnera hora "La Viva" iz Clermont Ferranda, 11 članova Udruženja učestvovalo je na turneji horova iz Bosne i Hercegovine, Hrvatske i Srbije u Francuskoj od 11 do 22. aprila. Troškovi putovanja i boravka u vrijednosti oko 20.100 KM podmireni su sredstvima Asocijacije "La Viva".



4. Učešće na 3. forumu mladih svijeta

4.1. Na 3. forumu mladih svijeta u Tuluzu, Francuska, održanom u vremenu od 17. do 30. septembra, učestvovalo je 8 članova i saradnika. U okviru Foruma, studenti Akademije likovnih umjetnosti iz Sarajeva, učešćem u radu umjetničkih radionica i okruglih stolova, uspješno su predstavili Udruženje. Troškovi putovanja u iznosu od 2.000 KM podmireni su sredstvima organizatora.

4. Posjete Udruženju

Udruženje su radi nastavljanja saradnje posjetili: Julie Biro, predstavnik Comite catholique contre la faim et pour le developpment, Francuska i delegacija Asocijacije Ecolier du Monde, Belgija.

5. Donacije

Asocijacija Love Bridge iz Njenačke, posredstvom ureda u Sarajevu donirala je Udruženju odjeću za djecu i mlade procijenjene vrijednosti 10.000 KM.

Z a k l j u č c i

1. Ljetovanja, posjeta, učešće na susretima horova muzičke omladine i 3. forumu mladih realizovani su kroz prigodne edukativne, sportsko-rekreativne i zabavne aktivnosti učesnika uz neposredno angažovanje radnog osoblja i stipendista - ad hoc volontera Udruženja.
2. U navedenim aktivnostima učestvovalo je 265 korisnika i članova Udruženja, 89 članova nevladinih organizacija i ustanova iz Bosne i Hercegovine i 26 učesnika iz inostranstva, odnosno ukupno 380 učesnika.
3. Ukupni iznos navedenih aktivnosti, s obzirom da su donacije ostvarene u novcu, robi i uslugama, procijenjen je na 78.000 KM.

Informaciju sačinio

Mehmed Agić